

甌

甄

洞

藁

甌甌洞藁卷之三

武昌吳國倫著

始安張鳴鳳校
新安方尚贊校

樂府 雜擬三十一首

權歌行

浦女逐風流菱歌唱不休紫裙細綺袂桂檣木蘭舟
蓮開爭比豔荇亂欲牽愁刺浪珠紛濺迴波練未收
香隨風宛轉曲與景綢繆變聲諧趙瑟流響失齊謳
隔花弄明月疑伴湘靈遊

蜀道難二首

蜀道五丁闢往來銷客魂峽中山作浪天上劍爲門

巫山下白雨鳥道與天通望來魚復浦愁殺永安宮

長門怨

念肥月初麗綺窻人自幽梧桐下白露宮殿鎖清秋
烏暗息難定蟲寒吟未休簾櫳窺獨影河漢瀉長愁
恩已裂純斷夢仍同華遊可憐御溝水日夜東西流

玉階怨二首

夕閣解紅妝風吹別殿香傳呼幸長樂歌舞散昭陽
攬衣步玉除仰見明星錯夜永天籟沈流螢散珠箔

愛妾換馬

薄命豈足惜生離當奈何文纓輝赤鬣破鏡掩青蛾

余情得意少，芻牧銜恩多。匣中雙玉瑱，猶得改鳴珂。

秦王捲衣

春色麗咸陽，秦宮樂未央。新裁五紋錦，照耀七寶牀。
尚衣啓螭匣，中使傳雞香。君王高宴罷，持以贈華陽。

銅雀臺

銅雀何時旦，金蠶不復春。可憐歌舞地，愁殺望陵人。
總帳青楓冷，玄臺白莽新。惟餘濁漳水，嗚咽遶城闈。

銅雀伎

徒倚臨飛閣，西陵望獨哀。豈無瑤席待，不覩翠華來。
露槿愁歌扇，風花落鏡臺。舊恩殊不薄，心死欲成灰。

隴頭

隴阪長征客，宵寒起自歌。
悲風鳴絕塞，羸馬飲交河。
地幽春不度，關暗雪仍多。
愁殺持衣婦，無歸奈爾何。

隴頭水

潺潺隴水落，關路分東西。
征客行未竟，秦川望已迷。
白雪平胡磧，黃沙隱漢隄。
水聲更嗚咽，不獨邊馬嘶。

出關

鳴鑣出關去，勿復望中原。
不盡吞胡力，難酬養士恩。
風起亂金柝，月高臨玉門。
單于夜未遁，猶傍黑山屯。

入關

胡烽照甘泉如傍赤心然長驅九阪道接戰交河邊
一呼斷右臂再鼓縛左賢捐軀赴國難何意凱歌旋

出塞

飛騎出龍城長驅破虜營雲翻旗幟影雷疊鼓鐃聲

入塞

出塞復入塞功成役未休河水摧馬骨隴霧濕貂裘
誰道千夫長能封萬戶侯君恩日以重莫解鍤堯

折楊柳

青青楊與柳宛轉夾路垂憐君遠行役折取向南枝
多少傷春意綢繆落絮時塞外聞羌笛合自有歸期

關山月

朝邊玉關道夜度金微河
千山上明月萬里涵清波
故國紅顏謝沙場白骨多
寒衣寄未及顧影獨悲歌

梅花落

梅花開正豔一夜委東風
灑池冰歷亂鋪砌玉玲瓏
雪霽寒初薄春回景漸工
餘香存密蕾幽意寄芳藂
南枝落未盡持插素餅中

紫騮馬

停機朝下堂開鏡理新妝
郎騎紫騮馬遠道還故鄉
男兒重意氣閭里接輝光
炊黍尚堪薦屢屐豈相忘

驄馬

驄馬如匹練駉驪走金隄道逢柘彈客歡殺羽林兒
文鞍鑲碧玉柔鞚約青絲慷慨各自許連鑣赴邊陲

驄馬驅

白皙美少年乘驄不著鞭花明錦韎韜風響鐵連錢
從戎出隴右却虜過屍延往來忽如電人馬兩相便

雨雪

邊關凍未解三月雪仍飛朔氣迷金勒寒風刺鐵衣
旌旗猶北向鴻鴈已南歸胡笳中夜發悽惻度金微

劉生

長安慕遊俠誰得似劉生排難恥受賞施恩不問名
夜半車盈巷酒酣賓絕纓由來布衣節一諾五侯輕

洛陽道

三川開洛邑四塞壯金湯甲乙朱樓起縱橫紫陌長
珂喧走馬埒錦勒鬪雞坊河邊彩雲現應是宓妃裳

長安道

西京天府國馳道接新豐雲霞標邸第金碧豔離宮
鳴轆三輔集飛憶五陵通日暮歌鐘發流響激高空

昭君辭二首

雪擁關雲暗春深塞草黃可憐胡地鴈日日向南翔

截管吹胡曲燒腥勸酪漿帳前椎髻女翻笑漢宮妝

當壚曲

病免依邛令無家返蜀都文心工滌器國色委當壚
拭鏡頭終白挑琴鳳已孤至今酤酒客猶喚卓家奴

大垂手

垂手步蹌蹌輕雲遶席揚挺巾纒鶴立迴袖忽鸞翔
頓趾變初曲紆形逞墮妝還如趙飛燕掌上舞霓裳

小垂手

白紵起招搖陽阿舞自嬌試看小垂手妬殺楚宮腰
輕鞞應促節利屣躡纖鸞顰蛾向緹慢宛轉峽雲銷

雜歌謠十七首

軹里謠

生不必封公侯死不必蹈東海一諾千金山河可改
報恩報讎出門無悔男兒赤心何皚皚君不見軹里
蕭然百室村前有聶政後郭解

燕人謠

此嘉靖庚戌虜迫京城時燕人語也采而爲
謠

單于入將軍出兩廝相望不相詰羯鼓鼙鼓幾內一
空將軍歸來上首功

又

將在外相在內三關開九門閉胡兒攜載歸漢士都
揚威將相調和無是非

頭白鳥亦嘉靖壬戌民間謠

頭白鳥老將雛喙長尾畢逋巢高樹軒相呼嚇腐鼠
嫉文羽誰其挾彈一發中股啣鳥肉不足哺

戚將軍歌爲閩中父老作

將軍名繼光東牟人

戚將軍兵如雲忽聚莫言合忽散莫言分隨風蕩瀟
都成文

又

戚將軍兵如神一戰海夷絕再戰海水平莆中萬鬼
冤重伸

又

戚將軍兵如洗截海驚海神薙山泣山鬼一年八郡
平如底

西冕謠爲塗人思石將軍作

晃州驛東西百餘里故路遵溪岸沮澤間行
久之潦決岸斷行者每陷于險嘉靖中將軍
石邦憲始聚工鑿山別通一道塗人至今便
之

見溪灣曲如環石子磊磊水流潺潺行人失路仰天
長歎山路開行人來將軍一去不復回

止戈謠爲黔陽諸夷民戴吳總戎作吳河內人

名國

東槃瓠西牂牁吹簫笙戍晚禾娶髦女青馬馱織花
錦賽越羅郎願因不虛婦願桑葉多推牛榨秫酒爲
我將軍歌將軍來但止戈

金堂令歌爲曾中丞大父題

金堂令爲我伐枳棘藝稻梁我轂我腹飽且康胡以
不相羊

又

曾侯挽不留父老將奈何以尸以祝廣漢之阿

又

謂天無偏孰備其靈於鑠藩垣侯之子孫

又

謂天不邇孰介爾祉終歸至止侯之孫子

下雉謠為父老頌唐州牧作

唐名汝禮
薩溪人

設統統鷲之羽林為漿瓠為脯狗吠不驚犢驕乳幸

哉唐侯造我樂上式歌且舞

荆人謠

鳥嗾鳥將通曷之用通汝反噬我反哺我非汝徒

又

獍逐梟梟將招曷之用招汝食父我食母汝爲我伍

又

山有猿臂通肩引子接臂升樹頭獨一叫猿不掉母
血淋漓子奔逃

四言占六十九首

元會五首

閭闔旣闢泰階旣夷攝提孟陬陽景歲隳獻歲茲始
萬象熙熙蒼龍乃駕鳳皇來儀

其二

庭燎煌煌帝御青陽臚人司序環佩鏘鏘九賓咸肅
五瑞交光日出日沒重譯來王

其三

峩峩宮闕卿雲護之穆穆天子百靈赴之萬物肇生
勾芒祚之天子萬年上天祐之

其四

禮陳樂舉皇運昌嘉貢琛獻璧倫軌一家乘茲木德
敷惠八遐永保金鏡萬年不瑕

其五

洞濟紛綸絳憶氤氲佳氣鬱鬱陽德維新後有形史
前有虎背參職罔闕康哉臣鄰

陪祀二首

皇帝孝德昭明三光根亥孺跋畢逮春陽穆穆清廟
肅雖不忘采帛純美袞冕玄黃顯相既集鼓鐘鐃鐃
管蕭燭天神旂高張對越在上薦此嘉觴明德中升
降福無疆

其二

銅龍宵啓閣道窅冥褰裳委佩魚貫而征甫越勾輶
伊邇泰清乃臨路寢左礪右平神居宥密廣樂縣鳴

昭穆以饗百禮告成 帝膺元祉萬方以寧小臣欣
邁爰有頌聲

古意五首

大言炎炎小言詹詹孰與至人默遊其天儀炫八紘
神潛九淵天何言哉惟聖乃玄

其二

物各有致性從所安枉才而用鮮能其官和氣間紡
不如埴埴隋珠彈雀不如泥丸

其三

鷲鳥將擊先戢其羽猛虎將搏先弭其耳志士懷才

時然後起外有愚色中操妙理

其四

亡簪示神其神易窺隱車示察其察卑卑不逆不億
莫之能欺庶幾縣鑑待彼妍媸

其五

長纓變鄒紫衣化齊蓬生泉中赤砂入泥古道難復
中智易移使堅且白何磷何緇

短歌

昊天愔愔四海洵洵孔子在陳周公居東

解一星辰何

私好風好雨風雲何知從龍從虎

解二

國有男戎亦有

女戎外鬻易弭內靈難攻三解青海之魚九首其驥青

丘之狐九尾其張四解一人善射百夫決拾一獸負矢

百羣辟易五解物媚則妖人媚則宵古之君子作德不

恍六解

過鄒謁孟子廟四首

瞻彼冕嶧荒于大東我徂東郡言采其桐宛其萎矣

我心則恫

其二

維嶧之陽鬱彼靈光降靈有赫為子與鄉宛其遐矣

我心則傷

其三

豈其真宅在鄒之郊仁義之流如澤如膏宛其斬矣
我心則勞

其四

客行靡靡仰止高山何以薦之沅芷澧蘭宛其邁矣
能不永歎

過魯懷李于鱗二首

東山之陽曰河與濟我思美人其室孔邇何以佩之
采采蘭芷

其二

東海之隅曰魯與齊我思美人其道孔夷何以羞之
采采瓊芝

感遇六首答魏順甫高伯宗

荊州之材長松文梓美人之佩芳蘭苾芷

其二

維楚有萍聖則實之維楚有璧工則石之

其三

今爲楚功騷爲楚風江漢不廣魚腹可宮

其四

覆圖之射觀者日稀郢中之歌和者日微

其五

排楹而歌其心孔悲戴盜而哭哲哉見幾

其六

蚤蚤周周比迹而遊急難之義可與同仇

短歌答劉正言憲長

潑潑雙魚出彼通波有殞自天七星之河解一我思美

人在河之因寒裳欲濟豈日無津解二問津何適于彼

異域魍魎在途莫我能卽解三我馬乘黃越茲鬼方匪

我族類莫敢不將解四九譯既同文命既共章甫在序

濟濟雍雍解五雍雍者那以弦以歌君之聽之暢云如

何六

夜宿陸廣驛卽事成短歌

霖潦瀰瀰我行遲遲惡木參天狡狴晝啼陰陰空谷
館人何之荆莽在戶不墜不籬蝸煦我釜豺踞我垂
僕夫變色魑魅以隨刈薪措牀枿麥爲糜永夜難旦
風雨淒其失路奚悲絕糧者誰薄言詠歌聊以樂飢

紫芝歌同張羽王賦

南山之阿若雲若霞薄言拾之曄曄其華苗彼神草
應斯瑞圖甘泉滂德頌美且都三秀何祥雜爾衆芳
蘭生隱谷尼父爲傷倬彼黃綺歌于地肺逃秦翼漢

莫知其以吾將安適佈芝爲田以服以食以永吾年
陪羽王就石蘭谿上爲流觴之飲醉成二首
祥風習習羣卉芬芳以敷以遊與子寒裳臨流寄心
引彼輕觴物理齊一百慮其忘

其二

百慮何爲佳辰在茲陽景易擲元化誰私俯察川逝
仰觀雲馳天實假我不醉何辭

誠子四首

大士貢名下士貢身名之不淑身與俱湮

其二

角部 卷之三
二
三
二
三十九

僂指雖巧不爲予工施貌雖豔無裨予容

其三

以甘爲苦匪味則偏以徵爲羽過不在弦

其四

佐雖

難烹煎
宜也

者嘗佐關者傷脊爾所適何用不臧

偶書八首

意不竝銳事不兼隆左方右圓僂難爲工

其二

毫末不翦將尋斧柯爲虺弗摧爲蛇若何

其三

已犧何害人犧則難量人量已與世偕安

其四

綈袍贈范純扇遺朱施予則一情僞縣殊

其五

婦人拾蠶漁者握鱸豈誠貴有見利則前

其六

內羞五鼎外膳一肴惡客可愚故人見嘲

其七

奔女之側勿談守貞墨吏之前毋舉卻金

其八

梅徙則杏橘徙則枳地氣何常士慎所止

聞人談養生漫成八首

神龍解角靈蛇棄鱗超世說俗是爲至人

其二

孰玄吾洲孰丹吾丘胞有重閫心有天遊

其三

師曠枝策匪以疲息惠子據梧匪以憚逸

其四

使夔索珠使鮫馳河一足非少百足非多

其五

食不盡味樂不盡聲澹足明志歌止適情

其六

美疾滋毒藥石衛生愛或可遠惡以可親

其七

冠山而遊鰲力鮮餘戴粒而趨螳亦自如

其八

元化無朕羣生所都形神不擾乃篤其初

朝元詩四章贈仁甫

玄袞袞袞文纓纒纒有馭其乘載見天子

其二

天門穆穆庭燎煌煌元正嘉會鐘鼓鏗鏘

其三

五瑞既輯百祿是膺羣牧讓德帝曰疇咨

其四

魚藻既升管籥斯陳何以樂歌天子嘉賓

謁文昌祠

祠在武當山
二天門內

仙源窈冥陟嶺踰岡一壁斗卓衆峯俱翔玄關洞闢
彩虹爲梁仰瞻清都混混茫茫天墉紹緯五色煌煌
息駕中宮瞻禮文昌太微伊邇帝座之旁羣靈竝鼓
撰轡遊揚我欲從之過謁西皇濯髮湯谷晞身九陽

豈其羽人惟命是將啓我靈府造彼周行

妙化巖二首

卽清微宮故二張仙人脩煉處

巖路險巖我行徐徐冰雪未解萬樹如珠上盤清宮
下結玄廬宛彼姑射至人所居

其二

至人何營空谷何名去家學道藥就身輕吸必露液
餐必霞精逍遙遐舉八龍來迎

玉虛宮六首

閭闔四闢輦道中馳翳以嘉樹隱以金椎三條經緯
百隧逶迤乃瞻玄闕上帝之居

其二

帝居廣漠閑道纏繚迷山跨谷隱日齊天金鋪玉砌
甲觀重軒井幹相望卿雲爛然

其三

卿雲鬱蔥光覆琳宮玉皇金母陟降虛空三島在望
五城其中列仙諸將驟駕飛龍

其四

飛龍何之御茲靈上大微上清化身玄武上徹三元
下肩九府懷玄抱真遊息縣圃

其五

縣圃非遙于彼叢霄瑤芝可糗琪樹可樵
鯢於軒
鶴馭飄飄焚蘭張樂百靈來朝

其六

百靈洋洋歆茲道場考鐘伐鼓羽節高張典禮既備
千官肅將祝我 天子萬壽無疆

過恬澹觀謁曇陽仙子因從元美齋室覽其所
授天篆有感讚以四詩

東海仙媛託體瓊胎神凝九鼎名籍丹臺上真授訣
洞徒知來鶴息龍蛻不墮輪迴

其二

元始無始可道非道冥冥昏昏冲和玄妙元君與遊
金女齋造度世好脩渾一三教

其三

峩峩靈觀奉此化身几筵虛淨陟降明神皈依瞻禮
蘭藻斯陳何當牖翼滌妄通真

其四

丹經古篆天寶授之蹠远詰詘妙入神奇玉笥之秘
金簡之遺五嶽真形匪夷所思

觀中贈元美二首

瀨聖得道五官是願

瀨聖記有云老子養性以恬澹存五官

靈均遠遊

虛靜無為遠遊篇云漠虛靜以恬愉兮澹無為而自得汝受師戒是修是

持息茲玄室何慮何思

其二

臺池穠郁冠蓋駢闐才美絕世董常將然天寔祚汝
邁此仙媛使恬且澹何憂不仙

秋夜夢與人談二氏因語以詩

惺惺若矇母執函空緜緜若窮母紐而通

醜
醜
洞
藁
卷
之
三
終

甌甌洞藁卷之四

武昌吳國倫著

始安張鳴鳳校
新安方尚贊

五言古六十一首

述志四首

皇矣太初闢清濁開鴻蒙人生貴且靈受此天地中
四序若鱗次陳迹藐易窮豈伊一抔土掩此七尺躬
沒世名不稱宣尼志所恫寸陰逝足惜禹德彌以崇
抗志慕先民蹇予曷不聰大猷廣且穆惟彼能者從
努力戒前路艱哉一簣功庶幾耿耿微可以令厥終

其二

冉冉嶧陽桐猗猗嶰陰竹含茲龍鳳音雌雄遞相屬
龍爲羌水吟鳳爲軒后曲橐籥宣元氣宮商無陵黷
茲風已千古遺響伊誰續夢遊上帝居鈞天何穆穆

其三

黃鵠臨當飛徘徊視其翮一舉橫四海須臾萬里隔
鳥鳶集林莽俯啄仰相嚇管管濁世儒所志在干澤
處膏但自潤何辭服轅軛美哉寥廓士遠遊無遺迹
一羽輕侯封九鼎重人國遇合鮮常期飄飄從所適

其四

赤日照萬古不槁扶桑枝人世何鹵莽光景迅如馳

朝菌夕不華霜露難爲姿薰膏苦自焚智巧無以爲
精衛銜木石東海平無期章亥雖疾步安見周四垂
何如息萬慮食霞茹三芝庶幾葆天真善卷良吾師

雜詩十二首

皎皎明月珠熒熒吐輝光持以贈所親道路阻且長
中墮濁水泥千里徒相望志士抗高節憎茲口如簧
赫赫尹吉甫伯奇行履霜參乎豈嗜殺慈母走踰墻
況彼行路人何以要不忘睚眦有其端安保不相戕
棄置非所論無郵示周行

其二

重城繚阿閣鬱鬱造天表
颺激累息飛棟陵縹緲
惜哉鳳不至而以巢凡鳥
凡鳥羣畢逋德輝何杳杳
棄彼琅玕實喑喋苻與蓼
翔止無寧序呼噪失昏曉
文羽一來儀四顧儔侶少
哀鳴棄之去高舉六合小

其三

士自有貴賤道與俱污隆
良賈不居市美女憂入官
從事苟失時聖哲難爲工
虞卿始遊趙非有根柢容
一見賜金璧再見舉國從
取相如探囊坐致郤秦功
及其間行去居梁一何窮
著書幸自見祇爲遊談宗
何不執高義希彼魯連風
解紛息大難蹈海不受封

其四

羊腸一何坦周道摧車輪溟渤葦可航溪潦浩無津
膠漆苦不投竿瑟時見親懷珠蒙世疑買櫝以爲珍
冥理本不測變態渺無因於物各有適愛惡從其心
險夷義所安尺蠖有屈伸惟彼明哲士迨然保其身

其五

人固不易知知人亦不易夢卜得二賢與王有餘智
方其未夢時凡民何以異良賈貴深藏良工不自示
遵養待遇合不合渺如棄上客禮負芻下堂握牧器
知已在一言遂爲千古事

其六

海風吹枯桑朔氣盛原野客子寒無衣行役去中夏
塞外霜草白中夜鳴胡馬浮雲西北馳河漢東南瀉
豈不懷故鄉瞻望涕盈把橫行氣已摧況乃匹儔寡
白骨何纍纍撐拄長城下

其七

大造冥無端陰陽互推移人生逝如斯白駒喻何遲
彭聃豈必壽殤子與同期誰云蒲與柳異彼金石姿
梁肉饜無味食藿甘如飴纓綬苦結束短褐何委蛇
達觀萬物理委形皆若遺哲哉河上翁知雄守其雌

其八

田文與趙勝養士亦已多處囊有遺穎徒舍徒勞歌
三年不見知如此皮相何一日奮排難秦楚爲么麼
反掌復齊相按劔定從和始知負奇士俛首甘蹉跎
乘時建大策寸舌雄干戈安用錄錄輩與世相依阿

其九

佳人處重幄斂態何盈盈姣服紈與綺盼笑清芬生
明月辯爲環雜佩瓊瑤瑛微風動輕裾緩步宮商鳴
一顧迷下蔡再顧傾陽城念欲結婉孌何以抒衷情
挹彼沆瀣漿和茲九霞精延佇欲致之咫尺天河橫

將無高丘夢令人徒屏營

其十

矯矯赤水龍視能燭九陰微氛翳白日不照烈士心
離離洛少年悼彼三閭沈興文弔汨水感遇亦何深
已矣千百載其辭傳至今巫咸邈可招胡爲久不歆
烈心豈自疑懷徃故難任何以寫衷曲閉戶弦鳴琴

其十一

誰謂德無鄰媿阿湑其真誰謂人無倫反側難爲親
恩愛苟不衷金石將且磷四海皆兄弟同室越與秦
久要勿言故立談勿言新肝膽照日月眉睫生荆榛

君子貴中立小人趨同塵況乃在末路變態那可

其十二

曦日照四術人語何嘈嘈爭塗赴闐闐靡麗成周遭
牽袂迴颺舉擊軫奔如濤招搖各有營日夕不言勞
翩翩御輕肥各言絕世豪東隣奮絲竹西肆陳珍牢
飲至懽亦極萬事皆鴻毛筑筑北郭子徒手被緼袍
延佇大道傍頗爲達者嘲從事貴識時胡爲久蓬蒿

釋褐

穆穆四門闢濟濟多士升奏對干龍顏咫尺彤雲蒸
通籍竝時詰賤子慚無能弱羽將順風天路恣飛騰

解此田間褐衣錦如不勝遙跡朝士間一日揚聲稱
詔賜南宮宴恩禮彌豆登被此非常遇舉笏紛相矜
而我在末坐原原懷春米策名從此始何以酬賓與

賜宴思親

待詔金馬門遂叨大官宴九陌馳青驄宮衣一何絢
鱗次瞻上公鴈行侶羣彥襜襜王者宥聚此延英殿
陳禮張六樂卿雲爛畿甸瓊卮瀉天漿綠幘進珍膳
詎謂蓬蒿生能承 聖明眷致身非不蚤顯親人所
羨傷哉我二親今茲豈及見昊天難可呼風木有餘
怨趨庭感貽穀入室思聖善三釜不逮存列鼎安用

薦所以曾參悲北嚮非爲賤亦知幸遭逢食旨不下
嚙

旅夜思親

遭時苦不淑少齒嬰百罹嚴慈早捐棄諸孤何綏綏
泣血腥墓草刺心心爲夷抱此終天感豈必泉下知
緊予守義方入國爲先資射策有天幸澤宮不我遺
遂通金閨籍冠佩相追隨在序沾微祿言歸獨遲遲
臥病謝朝謁旅夜良淒其泫然思罔極何當奉音儀
兼饌不追養綺錦徒增悲託體在北原原樹紛纍纍
引領中自傷遊魂渺何之

思伯兄

伯也故孝廉捐世良已早哀哀堂上親纍纍爲君老
一丘十年餘霜露變宿草諸弟慘不勝諸孤僅相保
憶予幼且孱君每置懷抱相予有英骨許以希世寶
上堂賀二親謂當振家造二親色爲娛屬之綴文藻
抗志景前修結軫趨大道詎知策名時天親骨已槁
浮榮匪足多真憂忽如擣俯兮叩重泉仰兮呼穹昊
穹昊與重泉長夜漫浩浩

過嚴子陵釣臺

鼓棹日垂暝泝流涉驚湍富春何崔嵬石瀨清且寒

蒼蒼兩釣石千古江之干攬衣起攀躋山濼多幽
昔人秉微尚披裘隱其端明月投爲餌彩虹持爲竿
避彼龍虎爭飽此魚蝦餐帝詔豈不殷委質良獨難
願與巢許遊不著漢吏冠九鼎焉足舉雲臺非所安
我亦倦遊子濯纓此盤桓偃仰思遐軌劃焉天地寬

哀江南

昔予登蘇臺一覽吳越平浮雲蕩澤國迴飈起滄瀛
五湖揚素波天日遙崢嶸流睇入雲間碣石參差橫
日夕館娃宮綵竹發清聲土風事遊冶民力苦暴征
耕者不宿飽綺絲空奇贏況迺承平久閭閻諱談兵

豈乏湛盧劍塵埋不得鳴亦有明月刀鬻市衆所輕
奄忽攬槍降羣妖恣橫行長風吹萬艘濤起天雷轟
吳都良家子倉皇望前旌一戰陷我陣再戰奪我營
鬼哭長洲苑血腥樵李城白骨蔽上海海日慘不明
廣衢遊麋鹿王路多榛荆萬類委魚肉安用佳麗名
昔遊曾幾時遂令田海更殺氣結不散感之百哀生
安得萬猛士飛戈滅妖鯨

贈別徐子與比部三首

涼露被臯蘭悲風鳴庭樹銷落感我心客遊歲云暮
念當從此辭流景不我駐清商命促管爲君發幽素

靜言攜手歡齊軌卽中路欲洗桑濮耳千載聆韶濩
知者日以稀作者良獨苦顧望懷百愛行矣惜高步

其二

黃鵠厲高空晨風翔北林依依命儔侶雲漢流哀音
況我眷良朋離思難可任凌晨發皇邑馬首逝鬢鬢
駕言采幽蘭聊以喻同心同心苦離索安知非辰參
分親踰室適愛至慮亦深豈爲兒女仁臨路空沾襟

其三

高高黃金臺飛閣臨長衢宮闕遙相望冠蓋填京都
與子結交親明誓永不渝抗志局四海氣與高雲馳

深衷托柔翰榮華安所須念子遠行役飲餞城南隅
燕趙多悲歌感之心鬱紆何嘗有羽翼南征與子俱

送謝茂秦

北風吹燕關雨雪繽紛灑遊子暮何之言歸鄴城下
鄴城非爾鄉徒侶一何寡擔簦戒前途踟躕立中野
念子老無依被褐擬楊馬結交滿京華誰爲同心者
將赴西園招遂脩南皮社咄咄千古心悠悠漳河瀉

寄李順德于鱗

翩翩雙飛鴻嘹嘹入雲漢中路忽以攜含情各相怨
狂飈摧弱羽形影從茲斷豈無稻梁謀常恐及矰彈

會合未有期非儔肯相亂歲宴霜雪深伶俜夜難旦

再答于鱗

長孺臥淮陽季布淹河東闕廷一以遠毀譽紛從中
念子守畿郡三輔揚清風歲久不得調治行難爲工
非無貢禹盟卒鮮根柢容誰謂賢路闕側足處其窮
巫咸不自被秦醫不自攻浮海居九夷浩然與子同

張子培至自吳

客從吳門來未解風塵色且勿敘舊懽把手陳憂側
執法降爲殃江鄉遍蠱賊飛刀瑩如霜剝剝鮮餘力
三吳故佳豔倏忽成異域今朝戰城南明朝戰城北

漂血膠舳艫輿戶丘山積骨肉不相保田廬詎復識
四顧無人煙舉足羅荆棘此身亦已贅何當有羽翼
鼓噪銷雄心仰天長大息負母復攜幼潛行蹊路側
萬死脫虎口追徃意猶惑氣結不成辭恨恨滄沾臆
聞之傷肺肝流光黯昏黑

答王元美見貽

結束處中秘二曜潛推移辭令苦不嫻廩粟誠虛糜
相門有揖客骯髒非其怡懷茲千古心引領屬所私
區區幸見察攜手與同期同者日以親異者日以疑
營營各有適安得強相持不見墨者翟居然非咸池

酬元美郎中二首

丹雲翼雙闕飛觀何嵒嶭玉階序文鶴侍從人所榮
宸聰諒四達袞職縣匪輕徘徊鮮嘉猷何以禪大明
豈不畏鰥素龍領難可撻徙薪疏梅福戴盜悲逢萌
寧爲大鳥止恥與羣鴉鳴感子眷相勗因之忘死生

其二

五嶽參天空興雲卽施雨須臾走風霆具曰天帝怒
遂令威福權鬼神不遑覩陰陽互愆伏妖氛被林藪
梁木萎崇岡嘉禾殺下土垣耳道路目輦轂生胡虜
偷生將安之宛舌不得吐何當遂初衷願與逢干伍

別高伯宗

驚風動地來浮雲起翩翩白日匿須臾陰氛莽相纏
雲濤浩縱橫脩陸成廣川嗟嗟遠遊子駑馬不得前
還顧舊京邑感此涕潸然況我同心人明誓良獨堅
昔爲膠與漆今若括與弦去去懷百憂所憂非棄捐

別李伯承

朝下承明廬暮投湘水濱須臾萬里隔中意當誰陳
睽我同心友涕下沾衣巾婉孌無終席歡愛豈畢輪
趨舍一相乖曠若越與秦竝器登蘭蕭疇能識其真
連城衆所哈鼠腊乃見珍始知卞和氏三獻徒苦辛

省墓二首

慊慊遠遊子，遲遲薄言歸。上堂謁宗老，飲泣瞻親闈。
親闈久閒寂，我心愴以悽。出郭望北原，原樹風淒淒。
凌晨踐霜露，何自承音輝。憔悴向夜臺，感此林鳥啼。

其二

陳牲藉蘭蕙，有酒苾以芬。銜痛不勝禮，宣哀亦無文。
白楊動悲風，玄碣蒙陰氛。何哉宅黃墟，乃與狐兔隣。
微祿嗟不逮，飲啄將誰親。徘徊日西匿，引領滋傷神。

登廬山絕頂

廬阜浩淼邈，含靈朝洪都。下蟠厚坤軸，上竭南斗樞。

渾沌竅初鑿夸父骨已枯諸峯秀雲表列郡巢其郭
我策盧放杖舄以王喬曼逍遙陵絕頂飛觀亦何孤
三梁跨欲絕五老森相呼松孕萬年苓鶴將千歲雛
半嶺雨暘隔一朝寒燠殊重巖表倦隱古寺羅名區
苔蝕巨靈掌星錯摩尼珠靈光展石鏡霞氣薰香鑪
瀑布落天潢濺沫成江湖濯髮天池端冥然鑑虛無
五嶽總拳石古今亦須臾且與方外友狂歌醉瓊蘇

訪余德甫

蕭蕭古城隅鬱鬱高士里謾謾飄松風盈盈望吾子
殊方一以攜豈不嗟室邇行役良爲勞光儀幸相倚

晤言諧夙歡有酒清且旨佳會難可常義輪逝如駛
忼慨發清商知音悵何已但比同心花安能久連理
用晦芙蓉館宴集同余德甫

王孫好賓客展宴芙蓉池茂樹蟠層陰前除廣且夷
朱華媚高館綠藻芬淪漪瑟瑟幽籟發交疏動微颺
涼秋感佳會綢繆及良時瑯盤膳珍錯美酒金屈卮
起步臨中流俯見遊鱗嬉悠然愜心賞匪以濠濮私
攜手奮高倡浮雲去逶迤

攝郡二首

晨起坐公府吏道何結束簿書安可禪磬折垂殆辱

詹垂以清 卷二
籠鳥觸四隅 轅駒傷局趣 濟物本吾性 微纒意安屬
直木雖先伐 誰能處其曲 艱哉九阪塗 繫此千里足
念之慄以慨 中夜起躑躅

其二

風昔慕子游 學道遵聖言 臨民道苟直 末位豈不尊
此邦麗炎德 鬱鬱章貢藩 食毛知土瘠 日昃心爲捫
墜戶不宿火 卒歲鮮雞豚 況爾庶無知 爭質多煩冤
餘風日以頽 微文苦鉤援 反裘失旣遠 痼身昧其源
疇爲撒蘭絲 是究懷保恩 歌彼伐檀章 內忤安可論

郊行

出郭望四郊蒞止廬山麓老稚走相從欣此柴桑俗
世遠松菊蕪年登庾廩足狐穴匡君祠犬吠康王第
天際羅羣峯懸泉墮鳴玉抱杖出脩林聊以縱遐矚
日夕驅馬歸懷古念彌篤鼠腹本易克鳧頸詎宜續
人生各有涯胡爲久錄錄安得如陶公終焉托醺醪

閱武

驅馬越故壘張帷蒞崇岡飄風激東匯湖水何湯湯
陳彼桓桓旅奮臂俱飛揚鉦鼓動地發鎧甲耀日光
分曹建赤牙合隊揮干將列戟森如林羽鏃凌秋霜
俯手挽烏號飛鳥不敢翔風雲變須臾天地爲倉皇

顧予逢衣徒覩此氣益強治世不去兵暇日虞大康
農山志未逮聊以使知方

答鄒少南

攘袖適中陌皓腕朝霞明徘徊歷脩渚言采蘭與蘅
美人日以遐欲致渺無因故懽豈能續信誓良所欽
但得聞馨香不願同衣衾道逢涉江女顧盼一何親
遺之雙雜佩用以寧予心各言有所思淚下不能任

遊仙篇贈劉叟

僊人從何來云自終南山天風矯雲翼須臾八極還
頓轡南斗傍晞髮天池端手扶綠玉杖叩我巖下關

問年不知紀餐芝美紅顏授我無上秘飲我長生丹
我欲從之遊白日生羽翰扶桑一何邈崑崙不足攀
逍遙及太清四顧非人間

秋夜獨酌

端居息萬慮候蟲鳴我牀起步臨前除明月照我裳
仰視河漢影綿綿秋夜長踟躕不能寐繾綣稱壺觴
埋照非有穴適意卽此鄉調笑五老人彭蠡爲吾漿
獨醒還獨醉於世竟焉妨高梧脫旣盡桂樹乃芬芳
物理固如此吾飲殊未央

至日歎

汎汎彭蠡流皚皚匡山石松柏有餘寒魚龍偃深澤
玄枵謝窮陰天心見冥漠顧此寥廓區不解窮愁客
問客何歎嗟冉冉流光擲俛首儕世人四海何跼踖
剝復固有期念已苦行役豈不戀 明主瞻望徒脉
脉

五老吟

被髮辭帝閣息駕招五老五老從天來各各顏色好
問老何所脩莞爾不復道混沌非吾初蓬瀛非吾島
河清詎足俟扶桑歟焉槁擲杖化爲林逍遙步穹昊
顧子豈陳人役役傷懷抱羲輪日以逝安得長壽考

璞石遭良工一出爲世寶所悲喪其真精靈貴自葆

揚瀾阻風

揚舲下東澤弭棹揚瀾浦北風起何疾蛟龍恣吞吐
帆檣怒相擊鳴濤震金鼓黃沙蔽白日咫尺不成覩
三晨坐一隅忽忽如異土四顧徒侶絕羈思良獨苦
天道浩無度所貴知險阻

蘆溝橋

迴車薊北門飲馬桑乾水蜿蜒青龍橋頽波逝如駛
喧喧行路人日晏去未已顧我志已荼徘徊在河涘
矯首望帝居宮殿錯如綺飄風忽西至黃沙蔽天

起不見郭生臺歎息張華里一骨千黃金安用直如
矢

過中牟

駕言適浚郊岐路紛如織秋風吹圃田羣鳥下藜棘
原隰冒陰氛禾黍不得食靡靡行邁人停車為長息
曾令骨且朽荒祠古城側三異我所欽徘徊日西匿

鄭州登臺

鄭圃有層臺高視天中區浮雲迫飛閣萬戶羅長衢
悠然瞰高嶠三川鬱以紆涼飈起藁林銷落何須史
振衣發清商音衰不為娛神遊風所慕冉冉白日逾

黃鵠思高舉胡爲世網拘

贈費大夫

大夫起相種矯矯玄成資荆璞含初光肯爲琢者嗤
抗跡希直躬素風良不緇弱冠奉符璽燦若瓊樹枝
白首伏下僚渺若濁水泥 君恩無邇遐亮節何委
蛇三黜介不易展禽固吾師離離漢濱人將與子同
期銜杯睨浮雲忽忽東西馳

上公廟詩

有序

宋中故有微子祠屬其地卑濕而規制狹小
曾不比於鄉社予謁而怍怍焉因與邦大夫

暨其鄉卿士議而新之堂寢寮垣崇峻宏麗
蓋十倍視故祠矣予按微子初食采於微及
受周命爲上公則土與爵皆非其舊卽宋人
祠之而名曰微子得無未安乎因僭易其顏
曰上公廟而紀以是詩時嘉靖辛酉秋日

狡童失金鏡湯澤宜未湮乃有象賢子作誥去宗親
豈不眷故國數諫徒苦辛皇皇忍顛越天命當誰陳
玄圭東夏尹白馬西周賓公旦嘉乃德尼父諒其仁
庶幾代庚祀遠託玄鳥禮實始有宋國綿祚六百春
亳宮況伊邇商頌匪無因血食高辛墟千秋肅明神

我生劇懷古，踟躕荒城闔。寢殿委泥淖，俎豆陳荆莢。
豈伊上公居，湫隘無常尊。汚隆在邦典，俯仰慙儒紳。
賤子屬經始，元龜告佳辰。庶民旣子來，卿士從如雲。
程工不踰期，棟宇一以新。因之贊赫訓，非獨美奐輪。
茲晨從長吏，言薦藻與蘋。對越凜如在，顧瞻何逡巡。
脩靈降多福，阜此邦之人。

梁園吟

苑園三百里，平臺古商丘。星分燧人紀，風啓倉頡取。
上公此食采，東夏遙尊周。賓客信陵散，乘輿孝王遊。
授簡賦雪月，築宮延枚鄒。逶迤複道引，映帶黃河流。

危嶺抗龍岫曲池藏鶴洲脩竹蔭千晦彩雲揚九旂
豪華未終竟極宴生繁憂今茲狐援穴風昔歌舞樓
客子悵懷古經行重悲秋況乃司馬倦頗頗虞卿愁
桐門日黯黯棘澤天悠悠今昔不相待富貴誰能留
紅顏總自誤明月莫輕投五斗盡沾酒萬事都沈浮

別魯朝選行人

褰裳涉澮澮登臺覽東夏脩竹蕪漢園古柏頽殷社
新阡錯如林舊郭平爲野代謝成須臾誰其後死者
與此區中士攜手滄如灑予豈悲豪華士非薄遊冶
微衷各有尚躑躅浮雲下況乃此一時夢寐見龍馬

浩浩千古心黃河詎能瀉去去懷昌言努力崇大雅

聞蟬

流火謝朱夏白露沾野草陰陽漭推斥朝榮夕已槁
聽此寒蟬鳴悒悒傷懷抱嗟嘆一何悲坐使容色老
聲氣各有時吾生但潦倒齊女未下宮疇云不美好
爲塗少叅題畫二首

盈盈廣漢水褰裳不可渡誰鞭東海石駕此西都路
飛虹跨長波潛蛟吐玄霧聞有駟馬歸豈是曾題柱

右漢梁園圖

其二

君家孝子里蜀道阻且深浮雲蔽白帝義畧何駸駸
王陽歎九坂莊舄爲越音朱紱豈不華各有萬里心
右望雲圖

舟中望嶧山

浩浩黃河流蕭蕭大隄樹翩翩操舟人闐闐奏桴鼓
中有南冠子含意不得吐望魯隔龜山陟秦阻梁甫
茲晨發邾婁進帆魚臺浦瞻彼嶧陽山鬱鬱峙千古
秦碑蝕旣盡孤桐亦已腐在物無醜好過時俱塵土
人智闇雌雄於終竟焉覩我欲從茲山其如乏脩羽
日暮舍之去徬徨涕如雨

悼亡詩

人命但朝夕冥運何倉皇憂多樂苦少生短逝日長
零露本易晞行雲去如翔雖有蘭蕙姿倏忽萎秋霜
念子秉昭質素里揚清芳婉孌自疇昔明誓結不忘
動若形影隨居若琴瑟張況與歷貧賤卒歲持糟糠
頗希舉案風亦切趨機防相予匪一德乃幸嬰圭璋
宛其中道徂胡以不永傷明月照故幃悲風襲我牀
良無續命丹安見反魂香音儀從此隔泉扃杳茫茫
凌晨思髣髴中夜起徬徨同心而異世中閨閒無光
已矣德宮儷聊申祥服章異哉蒙莊子鼓盆毋乃狂

甌
甌
洞
蒙
卷
之
四
終

甌甌洞藁卷之五

武昌吳國倫著

始安張鳴鳳校
新安方尚譽

五言古六十三首

八子詩

八子皆弘正間名家予讀其詩有采焉因各

贊一詩志神交云

李學憲獻吉

獻吉起北地操觚幹元機上探軒虞矩下抉楊馬微
中流障頽波濛汜揚初輝雄哉草昧圖羣哲相因依
遂令大雅還始識新聲非況乃矢忠鯁九死干天威

宏辭潤高節赤日爭餘輝淪沒良不朽靈均與同歸

何學憲仲默

倬彼汝南士冥悟窺鴻蒙童齡振奇藻弱冠稱宗工
抽翰校秘書藜光燭西宮弦歌奮求友逸響騰高空
燦比若木華諧如羌水龍同聲自相眷恥爲達者容
適意在萬古豈必躋三公至今攬遺牘穆然生清風

徐博士昌穀

吳都擅妖麗作者紛自寶昌穀起中微澹然志幽討
濯髮臨清淵驅車遵周道宛彼舜華姿被服純與縞
輪斤有疾徐應手不言巧得意塵壙間超忽踰靈島

譚稅有獨致頽風一以掃年短流譽長胡烈悲不造
邊尚書廷實

廷實本國器矯翼自太常博綜號武庫高視臨文昌
豈握東岱英五彩流篇章一語觸神解陶謝良相當
脩轡騁天路方舟濟河湟乘時翊昌運休問彌以揚
斯今齊魯間聞風襲餘芳生榮死不朽何忝各山藏

鄭司封繼之

谷口遺高蹤鄭生豈其喬澹然隱金門玄理屬冥契
倡和諧同聲登臨縱遐睇願言崇好脩寧獨侈宏麗
古道良所敦真境日以詣偶爾披遺編蘭蕙襲衣袂

王檢討敬夫

王生跡弛上多技亦多艱少遊翰墨林藻繪何班班
九阪知逸足六宮競朱顏涉世鮮明哲流言遂源山
恩深罪殊薄一竄不復還郭杜足假仰行歌弄潺湲

王吉士稚欽

維楚故有才誰爲稚欽偶早歲發天秀匠心應其手
高視千載前左馬相先後寧操湘女瑟恥擊秦人缶
調世如弄丸罵坐非使酒敖然詠新篇豈復聞師友
遂爲禮法攻一官棄如垢傷彼荆山璞終焉不見剖

高按察叔嗣

叔嗣秉玄覽弱冠侍清穆朝回坐華省抽翰從所欲
時援綠綺琴起奏清商曲三歎有餘思松風何謾謾
引領懷良朋申章屬珠玉古道自攬持巖然負流俗
雖驂何李後匪乏千里足惜哉天天年長駕阻中陸
五子詩和于鱗元美作

李于鱗

涓曠不可作古音日以微舉世好新聲引節當誰依
奕奕濟南生聽曲識其非調琴理孤操逸響騰珠徽
泱泱東海風洋洋播金閨豈辭作者苦將恐和者稀
庶幾吾黨士一握揚清輝抗志還大雅乘時顧芳菲

斯道有中興但與流俗違風波一相失滄泣無時揮

王元美

王郎故家喬曄曄瓊樹姿英風振江表文彩稱神奇
少年策華津四顧多所疑志在千古業寧希一世知
折節交李郎太雅當在茲華陽結高會五子偕應期
齊聲奮清響浮雲東西馳時情詎終測友道無磷緇
中意各未伸羽翼行差池榮名不常保念當久睽離

宗子相

淮海擬斯彥鬱鬱麟鳳標致身青雲端嘉譽盈中朝
游揚豈不廣冠蓋紛相驕微衷各有屬鳴鴻夜嘹嘹

一願得儔侶勿云天路遙攜手結古歡吐氣干層霄
易涉淫哇耳冷然被筍韶力欲追作者安知骨已銷
去國勿復道何哉鵬爲妖念此平生親魂遠不可招
徐子與

美人起天目吳會欽令名抽翰揆華藻高步揚前旌
憶予釋初服與子馳帝京衆中一以盼躑躅私相驚
神物當遇合枯根以時榮恍慨托風雅遂爲金石盟
酒酣發高倡流響恣縱橫但希知音賞敢厭時俗輕
精光忽以蔽誰能寶連城努力戒遐軌廣路偕于征

梁公實

南海浩無際珠樹榮其中之子秉異靈軀孱氣何雄
結髮嗜徃古操翰追其風文心躡東漢詩軼顏謝工
一出邁良友糟粕忽以融反顧結遐轍思欲躋崆峒
浮雲去萬里獨徃借冥鴻神山在咫尺安期尚可逢
大藥豈誤人厭世殊匆匆誦子虹澗篇萬形委虛空
十二子詩

十二子皆予雅道交倡和偶諧如蘭斯臭乃
者予旣見放諸子亦多浮沈同心離居愴焉
今昔因各賦一首用代晤言非有所軒輕也

臨清謝山人茂秦

謝生本無家老作王門客詩名藉曹丘指于鱗元美乃在
長安陌彈鋏一以歌騎奴始分席長揖遊公卿交歡
竟曠夕詞林有布衣竊擬連城壁歸來腹不充四顧
復何適

南海黎秘書惟敬

黎生處羅浮頗好神僊錄大海澄幽襟明珠結奇服
翫髒遊人間詞華爛羣玉酒酣坐揮毫彷彿天雨粟
垂老就一官清言動當軸慊慊常思歸引領傷局促

濮上李尚寶伯承

濮陽多古墟其俗尚謳詠李生采遺風識早力亦勁

雖處鄭衛間，敷辟非所聽。雖從貴介遊，威施非其性。
折節求友生，洋洋雅音正。晚遇朱司空，鼓掌稱絕勝。

南昌余比部德甫

萬籬附松柏，松柏有時摧。螻蛄穴蔬壤，蔬壤亦易夷。
之子抱幽貞，昭質諒不虧。貴介何炎炎，疎遠分自宜。
理我清廟弦，奠茲明堂彝。爲用雖不廣，千載流聲施。

京山高比部伯宗

結髮慕郢歌，千秋叩遺響。伯宗誕其鄉，始復披荆莽。
六籍鮮不綜，篇詠亦已廣。中歲起爲郎，清齋託偃仰。
辭工宦，益拙憂生何鞅鞅。一出鴻猷編，觀者亟稱賞。

崑山俞隱士仲蔚

仲蔚夙所欽，抱痾處幽側。頗耽佛老書，自擬巢由匿。
洗藥臨清淵，炊糜克鼎食。時爲鮑謝吟，忽灑鍾王墨。
尺牘世所珍，自葆良亦蓄。耿耿心相知，豈必望顏色。

蒲圻魏比部順甫

破觚難爲圓，斲雕難爲樸。魏子任天真，儵然謝繁縟。
爲郎守灤曹，閉戶理清曲。晚結二三子，聲同志彌篤。
逡巡述作林，幽蘭吐膏馥。精光幸自完，不必剖和璞。

銅梁張祠部肖甫

高空朗岷峩，洪流決三峽。中有奇男子，龍性不可狎。

乘雲驚天衢
蜿蜿露鱗甲
蚤厭巴渝謳
力操楊馬法
雄才振名區
古劍星出匣
符彩燭士林
匪徒工筆劄

桂林張司理羽王

羽王發西粵
弱冠稱繡虎
負氣一何奇
凌厲向千古
翱翔京洛間
恥與世儒伍
往往出新篇
郁鬱芳蘭吐
微官歷輾軻
置踵無安土
每歎鍾子期
無時可重覩
新蔡張稽勳助甫

汝南復斯人
文藻何灼灼
蚤策華要津
貴遊殊不薄
微衷向沈冥
玄覽測苞籥
稍聞何李風
文心奮如躍
赤若砂中金
皎若雲間鶴
欣茲雅道昌
豈但新知樂

南昌朱中尉用晦

昔予客洪都邂逅佳公子執轡一何恭贈之雙文綺
高齋愜清言遂握風人旨孤標秀層岡何忝南州梓
自試良獨難通親念未已坐悲春華歇涉江采蘭芷

吳郡王進士敬美

王子生世家登朝翊黼袞韶年識瑾瑜何謂託交晚
師友不踰門翱翔藝文苑翁爾鳴埴篴流韻日以遠
浮沈畏路間頗疾世情短傷哉嬰百罹雞骨已垂斷

登武夷山二首

名山奠南隩甲觀浮雲齊上闕羣仙府下纏九曲谿

琪樹榮青林文鳥翔丹梯出沒霏霧間永日恣攀躋
金光吐靈穴真氣耿不迷何當遇錢鏗挾我霞外棲
楚楚黃冠子抵掌談刀圭豈其大丹訣乃托空笈蹠

其二

緣澗躋飛梁馮虛步崇殿雲林鬱以紆天柱從中冥
煙濃玉女鬟苔繡鐵佛面歷歷排羣峯朱華競蔥蒨
豈假巨靈擘非經媧后鍊巖泉漱石脂洞草積瑤霰
界朗神與清塗迂景忽變手調赤雉羹將爲列僊獻

天柱卽大王峯
鐵佛卽幔亭峯

泛九曲谿二首

林端日已歆心賞未云足言攜武夷君泛世雲溪曲
流藻牽微瀾鳴榔應虛谷坐愜巒氣澄行驚練光束
猿猱掛巖柯虹蜺飲沙麓夾水羅羣峯參差三十六
絕壁鮮棲禽云有仙人屋僊去無還期微茫睖遺躅

其二

曲水縈山心入山轉冥冥翼舟雲欲飛依渚石爭削
夕照陰綠蕪迴煙霽丹壑羽衣奏笙璈中流下玄鶴
倏忽踰初境遠峯澹迴薄似得武陵津不淺濠梁樂
詎知宦遊蹤飄然寄寥廓

讀宗子相遺藁愴然作

昔我同袍友抗志薄青雲結髮事幽討沒齒虞無聞
 含精吐其華徃徃絕人羣翱翔京洛遊羽翼忽以分
 古心不見側役役江之濱憔悴忽以萎駕言邁修文
 與君已隔世思君日以殷遺編篋笥中忽忽如見君
 鳳鳥不常儀薰膏亦自焚今名但千載地下君所欣
 安見長壽考一一策高勲

雪中臥病東方員外君敬

朔風振嚴節陰雲翳中野淅淅寒柯鳴漉漉歷沾灑
 霰集何須臾霏紛忽堪把玄轡御窮紀剝復不相假
 蹇予負寒痲偃息空齋下顧念同袍士所志在風雅

席門雪如山僵臥出無馬不有洛陽令誰知孝廉者

登七臺山絕頂

真氣鬱不散結爲谿上山岩堯七頂秀透迤三郡間
熒熒吐南斗歷歷排天關寒予久臥閣欲往無羽翰
茲晨挈霞友矯足窮躋攀絕磴蔭榭梓陰磴飛潺湲
逡巡造無際忽擁仙人壇苔蘚蝕故鼎伊誰覩還丹
龍蛻亦已遠鶴馭當來還岑樓俯冥窅列嶂趨危欄
且復劒葦苓麋鹿羣相歡登高望遠海天路何漫漫
海風吹白雲須臾卷層巒衣裳濕空翠几席衝驚湍
奇賞一以愜何當此休餐陵虛但長嘯高枕青林端

詠署中豫章

豫章何輪困托根在公府柯葉森扶踈清陰薄環堵
山煙起氤氳海氣遙吞吐自抱風雨鳴不解冰雪苦
虬龍鬱爲文剝蝕亘今古豈無柏梁材可與榱桷伍
匠石一以遺居然謝斤斧因之保天年蒼蒼蟠故土

春日郊行卽事

凌晨起嚴駕子子雙干旄脩坂陟無際叢林何週遭
仰視東旭馳須臾薄平臯玄鳥鳴高樹條風襲我袍
田人迫春事國土日以膏況鮮乘塞虞各賣劍與刀
前畦秀蕤麥老稚喧桔槔遮道前致詞使君無乃勞

下黯澹灘有感

灑灑莫稱險
呂梁未爲艱
懸水落萬石
危哉黯澹灘
崖逼迴成峽
浪猛能漂山
已疑鮪穴邇
何止羊腸灣
妖蜮射人影
毒龍奔海關
島飛目不瞬
軸震天垂翻
捷疾轉丸下
浮沈反掌間
客子神欲盡
舟師技何閑
須臾涉安流
想像驚奇觀
世情總汨沒
畏路真嶮岮
豈不委時命
忽復生憂端
蠻方難久居
良當拂衣還

勉恩篇

有序

不佞國倫以嘉靖丙寅夏考昭武績

先帝賜璽書褒之因追爵先臣爲中憲大夫母

爲恭人踰年國倫當入計過家會重書適至
遂得奉以告諸家祠而易其主蓋泉壤之
殊卹而里人之所榮也乃國倫殊不自意恭
賦是篇志感且示子孫世世毋忘

先帝恩云時丁卯初冬日

嘗予本罷駑十年御塵鞅流俗非所諧於世徒偃仰
一蒙醞馥疑幾爲魑魅黨偶爾遭清時覲列吏民
長三載何行能謬叨璽書獎賜爵榮二親流膏沃
黃壤義方稍允錄微勞亦膺賞華袞在一言奎光燭
三象遂令裘褐資冒此金緋享被遇良已奇思恩一

何廣念當捐髮膚無能報銖兩萬里瞻 天門天門
詠蕩蕩

離資園二首 有序

騷云資葇蒨以盈室兮判獨離而不服蓋託
之乎女穎之晉語也吾友王元美頃以謗書
歸臥而名其園曰離資其有深慨乎因寄此
詩

仗策遊名都登臺騁高視一爲世網嬰跼踏非其志
馬鹿本殊形薰蕕豈同置將憂上官讒奄邁女穎罨
於義苟不孚安能強相媚歸管五畝園樹畜從所嗜

荷鋤平蕪藜常恐被其刺

其二

晨躋弁山顛日莫息其趾蘭堂壁以蓀芬華何粲粲
錦樹披明霞暎茲初服美取石成崑丘分泉爲弱水
豈但遠菘菹業已蛻塵滓俯將燭九陰仰欲觀無始
庶幾鹿豕間可以守玄理

春日發舟赴嶺南別家兄作

自劾苦不報遠遊今奈何出門視萬里況乃縣風波
兄弟半斑白祖送江之沱釵羹瓠爲脯秫酒旨且多
一爵不及反舟子發棹歌引領在中流眷眷南山阿

佩我明月環言歸勿蹉跎我鹿盧劍念當絕妖魔
道遠思孔懷一日三摩挲安得息塵鞅同君葆天和
過梁公寶故居有感

番禺巨長城重溟濫窮吳列肆皆湫隘環途決淫潦
塞裳涉委巷衡門寂無掃故人讀書處悠然瞰蓬島
採蒲從安期厭世一何早豈不念時昔夢寐顏色好
同心分古今陽運悲不造

送內

我生苦落魄與子常支離念此遠行役從之炎海湄
風鄰烏蠻國路出龍母祠已怯瘴癘嬰況乃寇亂滋

冷然春故土涕下交雙頤柴車駕言邁著簪忽以遺
迢遙萬里道珍重三男兒銜枚越烽壘脫珥克行資
千山走相送十日不成辭何以爲我壽何以與子期
老別勿言遠生還勿言遲去去但自保悠悠長相思
既別樵兒憶之

樵郎生七齡萬里攜之遊英骨邁兩兄何止氣食牛
郡丞苦寂寞跳笑寬吾憂日識八九字自言當公侯
當筵誦父詩朗朗諧清謳捧觴夜不倦佳客歡爲酬
今隨阿母去川途逝悠悠臨別牽我衣吞聲泣河洲
十日度湟谿反顧殊未休道逢下瀨客寄言入遼州

南方多豺虎阿翁寧久留感此情內結寤寐思故丘
骨肉但相保何論箕與裘

贈黃公紹

黃生好玄覽矯步六藝場弱冠成令名三十志益強
明經啓苞籥振藻羅七襄遇合一何晚結徒混高陽
懷袖雙龍珠炯炯明月光魚目方見珍精靈誰爲揚
索我薊北門遲我南海旁感子意不薄援琴發清商
三歎曲未終四顧浮雲翔願言結遐軫萬里毋相忘

放龜詩

有序

初予夢得靈龜居數日見海濱漁人籠一龜

鬻於市如夢中所見爲之惻然有感因買而
放之石龍池中作詩以紀事蓋隆慶辛未三

月四日也

靈龜本無管胡爲人所致十朋鮮見珍四翼頽然墜
業已嬰籠絡僅比比虫飼雲霧蒙玄衣星辰闇朱字
延頸希人憐垂頭忽如置豈犯牽牛宿誤克河伯使
吹噓濁水泥沆瀣不復餌偶抵豫且網將枯楚王筭
匪乏千齡術一朝坐顛躓見夢匪爲妖相遭良已異
感彼賢哲資邁此形骸累杖頭落金錢持爲漁者利
脫汝刳腸厄如吾曳尾意支牀負全力戴獄豈初志

步若輜車旋安思石穴邃茫茫大海濱故宅已難識
白日爲誰陰風雷將汝至送之清冷淵祝之善幽秘
動或隨九天靜或潛九地或守著根伏或乘蓮葉戲
伸縮從所如妖壽永不貳化彼驪龍毒同爲遠方瑞

懷元美二首

越鳥不繫書吳雲阻重嶺相望一何勞淫淫涕如縷
秋風生我庭梧葉下空井中夜起踟躕但視明河影

其二

十年謝纓綬一詔起巖穴薦書良獨完謗書復何缺
牛鼎無常烹羊腸鮮寧輟歸來伏龍山於世夔超絕

閔旱

覬龜守南服念匪窮髮區刀耕竭終歲苦無儋石儲
繭絲日以密乘障日以虞沃壤半污萊痾身良毒痛
胡此朱明候旱曠復已逾百穀方仰膏三農暴其膚
何力挽滄海潤此桑田枯考禮登百神率巫前舞雩
皇天豈降割旄倪聚哀呼

秋夜同周子徵珠江泛月

良夕豈易逢奇遊夙所慕暝陰薄層城浮雲澹相赴
須臾明月生澄空皎如素縱艇隨輕潮披衣下緜露
髣髴海市通相將天河度中有弄珠人亭亭出煙霧

微颺振鳴環綽約清虛步手裂雙扶桑化作千琪樹
幻景良若斯條然啓冥悟

謁洗夫人廟詩八首

有序

夫人南越洗氏女梁大同初適高涼太守馮
寶寶藉其力用能約束諸蠻夷會高廣二州
叛夫人將兵平之陳永定初救命爲石龍太
夫人賜繡幃鹵簿如刺史儀後陳亡嶺南諸
郡悉附夫人隋高祖因遣使遺夫人書且以
故所獻陳主犀杖爲信夫人乃爲位哭陳主
三日而後遣其孫暄迎隋師嶺南於是傳檄

定後番禺反夫人授其孫益方略破之高祖
嘉其績拜兩孫俱刺史追贈寶為譙國公而
進洗為譙國夫人開幕府賜物累數千尋又
以招諭諸夷功賜湯沐邑千五百戶卒諡誠
敬至今高涼人廟祀之予稽其事有感焉爰
賦八章用代侑享

慕爾高涼墟諸夷雜包絡何哉一蠻姬將兵如衛霍
相傳百戰功不負三朝託天風鳴海濤猶疑鼓吹作
其二

昔聞木蘭女忠孝兩不渝豈及洗夫人名高績尤殊

木蘭代父成功成僅完軀夫人代夫將戮方扶皇輿

其三

將號萬人敵兼長古所難高州女刺史奮蹟何桓桓
一伐叛臣謀反側旋自安十人故有婦豈必皆魏寇

其四

中原累新主南越恃斯嫗傳檄無二心膚功矢自樹
羣兇蕩以除百蠻皆內附父老殊晏然何煩長卿論

其五

阿家本外臣受號匡王國犀杖持效忠繡憶錫昭德
赫赫譙公封璽書見優特一節忠三君豐碑永堪勒

其六

倉皇哭陳主慷慨迎隋師
大統自新故偏國持安危
平蠻功已高賜邑固其宜
名將忍巾幗笑殺高涼兒

其七

文笄束髮整姣服冒犀甲
幕府開九真軍符凜三陲
功載隋梁銘威仍嶺海壓
精靈儼至今血食安祀法

其八

洗氏骨已朽百越猶英聲
我來刺其郡枹鼓時一鳴
羣醜雖漸削何當遽銷兵
神其眷故土蕩滌蠻煙清

校射示諸生

懸弧射四方君子繹初志矍圃非泛觀澤宮豈常藝
禮兼五物脩樂以衆賓萃揖讓敦古風弛張表能事
端容引烏號審度約發箏一發中應弦再拜起揚解
附枝總忘勞穿札何足異東箭稱美材文弦喻藏器
遠爲諸侯徵邇飾儒者事所以大聖人力至巧亦至
夏夜偶涼卽事效梁人體

炎方雨忽霽夕閣涼如秋星雜簷螢落河連枝鵲流
榕陰滴衣桁荔色炯簾鉤月擁玉壺上天銜珠浦浮
輕颺動白苧密篠鳴蒼鳩拭簟冰初合提純雪未收
不寐憐光景長吟步斗牛山煙微入幔海氣積爲樓

病嘗三伏起老作九真遊江漢渺何許關山悵悠悠

寄黎惟仁文學

念我青雲友結軫遊長安上書不得意又謝公車還
燁燁三芝室端居惜紅顏濟海無一葦凌雲托柔翰
持螯飲美酒生事了不關安得釀重溟醉臥三神山

贈黃幼章黎惟仁唐寅仲三子

三珠燦南海宛彼若木枝礪礪百餘尺托根一何奇
照耀三神山貝闕光陸離十陽避其華燭龍亦已疑
我欲叱象罔采采勿踰時結以九霞佩縹以五色綵
惜哉無舟楫棄置忽如遺遂恐精靈變反爲魚日噬

傷足歎

疾足非吾能命途一何蹇委形良不虧遺訓夙思勉
況乃歷轍軻投踵室如繭茲晨起辟易跬步不及展
豈失千里馭亦無九折險偶罹下堂憂頽顏忽以覲
踈盭虞後艱扶攜僅餘喘捫指痛欲呼覆轍幸猶淺
一蹶從所遭禍福時能辨

顧季狂暫赴武昌再至

朝遊黃鵠磯暮泊黃龍渚舟方見戴來醴復延申去
落月何所思火雲自爲侶新涼生我庭鼓腹坐無語

寄王承父山人

王生自狂態不受時人憐
一刺遠投我九歌悲問天
行隨白雲住醉枕流水眠
萬里忽相憶吳鉤爲君懸

觀醵洞藁卷之五終